

四庫全書

集部

欽定四庫全書

集部

草堂詩餘卷二

詳校官編修臣周瓊

侍讀臣孫球覆勘

總校官庶吉士臣倉聖脉

校對官中書臣孫球

謄錄監生臣張永浙

欽定四庫全書

草堂詩餘卷二

中調

一剪梅

離別

李易安

紅藕香殘玉簟秋。輕解羅裳，獨上蘭舟。雲中誰寄錦書來？鴈字回時，月滿樓。
花自飄零水自流。一種相思，兩處閒愁。此情無計可消除，纔下眉頭，却上心頭。

茗溪漁隱云近時婦人能文詞者如趙明誠之妻李易安長於詞有漱玉集三卷行于世此詞頗盡離別之情當為拈出

臨江仙

立春

賀方回

巧剪合歡羅勝子
釵頭春意翩翩
艷歌淺笑拜嬀然
願郎宜此酒行樂駐華年
未至文園多病客
幽襟淒斷堪憐
舊遊夢掛碧雲邊
人歸落鴈後思發在花前

復齋漫錄云方回詞有雁後歸詞乃山谷守當塗方回過之人日席上作也腔本臨江仙山谷

以方回用薛道衡詩故易
以鴈後歸云今仍其舊

唐劉餗傳記云隋薛道衡聘陳為人日詩首云
入春纔七日離家已二年南人啗之及云人歸
落雁後思發在花前
乃曰名下無虛士

春暮

晁無咎

綠暗汀洲三月暮
落花風靜帆收垂楊低映木蘭舟半
篙春水滑一段夕陽愁
灞水橋東回首處美人親上
簾鉤青鸞無計入紅樓
行雲歸楚峽飛夢到揚州

夏景

歐陽永叔

池外輕雷池上雨雨聲滴碎荷聲小樓西角斷虹明欄
干倚處待得月華生燕子飛來窺畫棟玉鈎垂下簾
旌涼波不動簾紋平水晶雙枕傍有墮釵橫

夜景

李知幾

煙柳疎疎人悄悄畫樓風外吹笙倚欄聞喚小紅聲熏
香臨欲睡玉漏已三更坐待不來來不去一方明月
中庭粉牆東畔小橋橫起來花影下扇子撲飛螢

宮詞

鹿虔扈

金鑠重門荒苑靜綺窓愁對秋空翠華一去寂無蹤玉
樓歌吹聲斷已隨風煙月不知人事改夜闌還照深
宮藕花相向野塘中暗傷亡國清露泣香紅

按周美成西河詞云燕子不知何世向尋常巷
陌人家相對如說興亡斜陽裏亦是就煙月不
知人事改句
變化出來

感舊

陳去非

憶昔午橋橋上飲坐中多少豪英長溝流月去無聲杏
花疎影裡吹笛到天明二十餘年成一夢此身雖在

堪驚閒登小閣看新晴古今多少事漁唱起三更

茗溪漁隱云去非舊有詩云風流丘壑真吾事
籌策廟堂非所知其後登政府無所建明卒如
其言九日詞云九日登臨有故常隨晴隨雨一
傳觴用退之淮西碑欲事故常之語如憶吳中
舊遊臨江仙一闕清婉奇
麗簡齋詞集推此詞最優

蝶戀花

一名鳳棲梧
一名鵲踏枝

元日立春

辛幼安

誰向椒盤簪綵勝整整韶華爭上春風鬢往日不堪重
記省為花長抱新春恨
春未來時先借問晚恨開遲

早又飄零近今歲花期消息定只愁風雨無憑準

清明

趙德麟

欲減羅衣寒未去不捲珠簾人在深深處紅杏枝頭花
幾許啼痕止恨清明雨盡日水沉香一縷宿酒醒遲
惱破春情緒飛燕又將歸信誤小屏風上西江路

春暮

李世英

遙夜亭臯閒信步纔過清明漸覺傷春暮數點雨聲風
約住朦朧淡月雲來去桃杏依稀香暗度誰在鞦韆

笑裏輕輕語一寸相思千萬緒人間沒個安排處

春暮

蘇子瞻

花褪殘紅青杏小燕子來時綠水人家遶枝上柳絲吹
又少天涯何處無芳草 牆裏鞦韆牆外道牆外行人
牆裏佳人笑 笑漸不聞聲漸悄多情却被無情惱

古今詞話予得此詞真本於友人處極有理趣
綠水人家遶非遶字乃曰人家曉曉字與遶字

蓋霄
壤也

春暮

晏同叔

簾幙風輕雙語燕
午醉醒來柳絮飛
撩亂心事一春猶未
見餘花落盡青苔院
百尺朱樓間倚遍
薄雨濃雲抵死遮
人面消息未知歸
早晚斜陽只送平波遠

春暮

歐陽永叔

庭院深深深幾許
楊柳堆煙簾幙無重數
金勒雕鞍遊冶處
樓高不見章臺路
雨橫風狂三月暮
門掩黃昏無計留春住
淚眼問花花不語
亂紅飛過鞦韆去

易安居士序歐陽公作蝶戀花有深深深幾許之句予酷愛之用其語作庭院深深深數闋其聲

即舊臨
江仙也

春恨

趙德麟

捲絮風頭寒欲盡
墜粉飄香日日紅成陣
新酒又添殘
酒困今春不減前
春恨
蝶去鶯來無處問
隔水樓高
望斷雙魚信
惱亂橫波秋一寸
斜陽只與黃昏近

深秋

晏叔原

庭院碧苔紅葉遍
黃菊開時已近重陽宴
日日露荷凋
綠扇粉塘煙水明如練
試倚涼風醒酒面
鴈字來時

恰向層樓見幾點護霜雲影轉誰家蘆管吟秋怨

曉行

周美成

月皎驚烏棲不定更漏將殘輾輾牽金井喚起兩眸清
炯炯淚花滴破珊瑚枕執手霜風吹鬢影去意徊徨
別語愁難聽樓上欄干橫斗柄露寒人遠雞相應

懷舊

俞克成

夢斷池塘驚乍曉百古無端故作枝頭鬧報道不禁寒
料峭未教舒展閒花草盡日簾垂人不到老去情疎

底事傷懷抱相對一樽歸計早玉山不減巫山好

懷舊

歐陽永叔

海燕雙來歸畫棟簾影無風花影頻移動半醉海棠春
睡重綠鬟堆枕香雲擁翠被雙盤金縷鳳憶得前春
有箇人人共花裏鶯聲時一弄日斜驚起相思夢

感舊

王晉卿

鐘送黃昏雞報曉昏昏曉相催世事何時了萬苦千愁人
自老春來依舊生芳草忙處人多閒處少閒處光陰

幾箇人知道獨上小樓雲杳杳天涯一點青山小

離別

蘇東坡

春事闌珊芳草歇客裏風光又過清明節小院黃昏人
憶別落紅處處聞啼鴂咫尺江山分楚越目斷魂銷
應是音塵絕夢破五更心欲折角聲吹落梅花月

唐多令

武昌

劉改之

蘆葉滿汀洲寒沙帶淺流二十年重度南樓柳下繫船



猶未穩能幾日又中秋
黃鶴斷磯頭故人曾到不舊
江山都是新愁欲買桂花重載酒終不似少年遊

蘇幙遮

懷舊

范希文

碧雲天黃葉地秋色連波波上寒煙翠山映斜陽天接
水芳草無情更在斜陽外
黯鄉魂追旅思夜夜除非
好夢留人睡明月樓高休獨倚酒入愁腸化作相思淚

風情

周美成

隴雲沉新月小楊柳捎頭能有春多少試著羅裳寒尚
峭簾捲青樓占得東風早翠屏深香篆裊流水落花
不管劉郎到三疊陽關聲漸杳斷雲只怕巫山曉

漁家傲

春景

王介甫

平岸小橋千嶂抱揉藍一水縈花草茅屋數間牕窈窕
塵不到時時自有春風掃午枕覺來聞語鳥歌眠似
聽朝雞早忽憶故人今總老貪夢好茫茫忘了邯鄲道

雪浪齋日記云荆公

此詞畧無塵土思

黃玉林詞選云半山老人

此詞極能道閑居之趣

春恨

周美成

幾日輕陰寒惻惻東風急處花成積
醉踏陽春懷故國歸未得黃鸝久住如相識
賴有蛾眉能暖客長歌屢
勸金盃側歌罷月痕來照席
貪歡適簾前重露成涓滴

秋思

范希文

塞下秋來風景異衡陽鴈去無留意
四面邊聲連角起

千嶂裏長煙落日孤城閉
濁酒一盃家萬里燕然未

勒歸無計羌管悠悠霜滿地人不寐將軍白髮征夫淚

東軒筆錄云范希大守邊日作漁家傲樂歌數闕皆以塞下秋來為首句頗述邊鎮之苦永叔嘗呼為窮塞主之詞及王尚書素守平涼永叔亦作漁家傲一詞以送之其斷章曰戰勝歸來飛捷奏傾賀酒玉塔遙獻南山壽且謂王尚書曰此真元帥之事也

冬景

六一居士

十月小春梅藥綻紅爐暖閣新粧遍錦帳美人貪睡煖
羞起懶玉壺一夜冰漸滿樓上四垂簾不捲天寒山

色偏宜遠風急鴈行吹字斷紅日晚江天雪意雲撩亂

漁父

謝無逸

秋水無痕清見底蓼花汀上西風起一葉小舟烟霧裡
蘭棹艤柳條帶雨穿雙鯉自嘆直鉤無處使笛聲吹
散雲山翠繪落霜刀紅縷細新酒美醉來獨枕蓑衣睡

漁父

張仲宗

釣笠披雲青嶂繞綠簑雨細春江渺白鳥飛來風滿棹
收綸了漁童拍手樵青笑明月太虛同一照浮家泛

宅忘昏曉醉眼冷看城市鬧煙波老誰能認得閒煩惱

茗溪漁隱云張仲宗有漁家傲詞余往歲在錢塘與仲宗從遊甚久仲宗手寫此詞相示云舊所作也其詞第二句原是撥頭雨細春江渺余謂仲宗曰撥頭雖是船名今以雨襯之語晦而病因為改作綠簑雨細仲宗笑以為然又有一詞亦寄調漁家傲云樓外天寒山欲暮溪邊雪後藏雲樹小艇風斜沙嘴露流年度春光已向梅梢住短夢今宵還到否葦村四望知何處客裏從來無意緒催歸去故園正要鶯花主亦清新流麗故附見於此

醉春風

春閨

趙德仁

陌上清明近行人難借問風流何處不歸來悶悶悶回
鴈峯前戲魚波上試尋芳信夜永蘭膏燼春睡何曾
穩枕邊珠淚幾時乾恨恨恨惟有窻前過來明月照人
方寸

品令

詠茶

黃魯直

鳳舞團團餅恨分破教孤另金渠體淨隻輪慢碾玉塵
光瑩湯響松風早減二分酒病味濃香永醉鄉路成

佳境恰如燈下故人萬里歸來對影口不能言心下快
活自省

茗溪漁隱云魯直諸茶詞余謂品令一詞最佳能道人所不能言尤在結尾三四句

行香子

晚景

蘇子瞻

北望平川野水荒灣共尋春飛步屨顏和風弄袖香霧
縈鬟正酒酣時人語笑白雲間飛鴻落照相將歸去澹
娟娟玉宇清閒何人無事宴坐空山望長橋上燈火亂

使君還

茗溪漁隱云淮北之地平夷自京師至汴口並無山惟隔淮方有南山南山石崖上有東坡行香子詞後題云與泗守過南山晚歸作字畫是東坡所書小字但無姓名崇觀間禁元祐文字遂鐫去之余居泗上打得此碑詞至今尚存

聲聲令

春思

俞克成

簾移碎影香褪衣襟舊家庭院嫩苔侵東風過盡暮雲鎖綠窗深怕對人閒枕剩衾樓底輕陰春信斷怯登

臨斷腸魂夢兩沉沉
花飛水遠便從今
莫追尋又怎禁
驀地上心

錦纏道

春景

宋子京

燕子呢喃景色乍
長春晝觀園林萬花如繡
海棠經雨
胭脂透柳展宮眉
翠拂行人首
向郊原踏青恣歌攜
手醉醺醺尚尋芳
酒問牧童遙指孤村道
杏花深處那裏人家有

古今詞話云此詞海棠經雨胭脂透一句最善形容景物至下段用問酒杏花村事曲盡郊外春遊之情工於詞者也

風中柳

閨情

孫夫人

銷減芳容端的為郎煩惱鬢慵梳宮粧草草別離情緒
待歸來都告怕傷郎又還休道利銷名韁幾阻當年
歡笑更那堪鱗鴻信杳蟾枝高折願從今須早莫辜負
鳳幃人老

鳳凰閣

傷春

葉道卿

遍園林綠暗渾如翠幄下無一片是花萼可恨狂風橫
雨忒煞情薄盡底把韶華送却楊花無奈是處穿簾
透幙豈知人意正蕭索春去也這般愁沒處安著怎奈
向黃昏院落

青玉案

春日懷舊

歐陽永叔

一年春事都來幾早過了三之二綠暗紅嫣渾可事綠
楊庭院暖風簾幙有箇人憔悴買花載酒長安市又
爭似家山見桃李不枉東風吹客淚相思難表夢龜無
據惟有歸來是

春暮

賀方回

凌波不過橫塘路但目送芳塵去錦瑟年華誰與度月
樓花院綺窻朱戶惟有春知處碧雲冉冉衡臯暮綵
筆空題斷腸句試問閒愁知幾許一川煙草滿城風絮

梅子黃時雨

詠雪

陳瑩中

碧空黯淡同雲繞
漸枕上風聲峭
明透紗窓天欲曉
珠簾纔捲美人驚
報一夜青山老
使君命客金尊倒
正千里瓊瑤未經掃
歌壓江梅春信早
十分農事滿城和
氣管取來年好

警悟

吳彥高

人生南北如岐路
世事悠悠等風絮
造化小兒無定據

金屋藏嬌
卷二
翻來覆去倒橫直豎眼見都如許
伊周功業何須慕
不學淵明便歸去坎止流行隨所寓
玉堂金馬竹籬茅舍總是無心處

天仙子

送春

張子野

水調數聲持酒聽
午睡醒來愁未醒
送春春去幾時回
臨晚鏡傷風景
往事後期空記省
沙上並禽池上暝
雲破月來花弄影
重重翠幙密遮燈
風不定人初靜
明

日落紅應滿徑

古今詩話有客謂張子野曰人皆謂公張三中即心中事眼中淚意中人也公曰何不目之為張三影客不曉公曰雲破月來花弄影嬌柔懶起簾壓捲花影柳徑無人墜飛絮無影此余平生所得意

高齋詩話子野有詩云浮萍斷處見山影又長短句云雲破月來花弄影又云隔牆送過鞦韆影並膾炙人口世謂張三影按茗溪漁隱云細味二說當以古今詩話所載三影為勝

水閣

沈會宗

景物因人成勝槩滿目更無塵可礙等閒簾幙小闌干

衣未解心先快明月清風如有待
誰信門前車馬隊
別是人間閒世界坐中無物不清涼
山一帶水一派流水白雲長自在

茗溪漁隱云賈芸老舊有水閣在茗溪之上景物清曠會宗為賦此詞其後水閣易主今已摧毀久矣遺址正與余水閣相近同在一岸景物悉如會宗之詞故余嘗有鄙句云三間小閣賈芸老一首佳詞沈會宗無限當時好
明月如今總屬績溪翁蓋謂此也

江城子

即江神子

春思

謝無逸

杏花村館酒旗風水溶溶颺殘紅野渡舟橫楊柳綠陰
濃望斷江南山色遠人不見草連空夕陽樓外晚煙
籠粉香融淡眉峯記得年時相見畫屏中只有關山今
夜月千里外素光同

復齋漫錄云無逸嘗於黃州關山杏花村館驛
題此詞過者必索筆於館卒卒頗以為苦因以
泥塗之其為人賞重可知

春別

蘇子瞻

天涯流落思無窮既相逢却匆匆攜手佳人和淚折殘

紅為問東君餘幾許春總在與誰同
隋堤三月水溶溶背歸鴻去吳中
回望彭城清泗與淮通寄我相思千
點淚流不到楚江東

離別

秦少游

西城楊柳弄春柔動離憂淚難收
猶記多情曾為繫歸舟碧野朱橋
當日事人不見水空流韶華不為
少年留恨悠悠幾時休飛絮落花
時候一登樓便做春江都是淚流
不盡許多愁

千秋歲

春景

秦少游

柳邊沙外城郭輕寒退花影亂鶯聲碎飄零疎酒盞離
別寬衣帶人不見碧雲暮合空相對憶昔西池會駕
鷺同飛蓋攜手處今誰在日邊清夢斷鏡裏朱顏改春
去也落紅萬點愁如海

右山詩話云王平甫之子嘗云今語例襲陳言
但能轉移耳世稱此詞愁如海為新奇不知李
後主虞美人詞已云問君還有幾多愁
恰似一江春水向東流但以江為海耳

冷齋夜話云少游小詞奇麗詠歌之想見其神
清在絳闕道山之間余兄思禹使余賦崔徽頭
屑詞因次韻曰半身屏外睡覺面紅退春思亂
芳心碎空餘替髻玉不見流蘇帶誰與問今人
秀韻誰宜對 湘浦曾同會手弭青羅蓋疑是
夢中猶在十分春易盡一點情難改多少事却
隨恨遠
連雲海

夏景

謝無逸

棟花飄砌蔌蔌清香細梅雨過蘋風起情隨湘水遠夢
遶吳峯翠琴書倦鷓鴣喚起南牕睡 密意無人寄幽
恨憑誰洗修竹畔疎簾裏歌餘塵拂扇舞罷風掀袂人

散後一鈎淡月天如水

祝英臺近

春晚

辛幼安

寶釵分桃葉渡烟柳暗南浦陌上層樓十日九風雨斷
腸點點飛紅都無人管倩誰勸流鶯聲住
鬢邊覩試把花卜歸期纔簪又重數羅帳燈昏哽咽夢中語是他
春帶愁來春歸何處又不解帶將愁去

側犯

夏景

周美成

暮霞霽雨小蓮出水紅粧靚風定看步襪江妃照明鏡
飛螢度暗草秉燭游花徑人靜搗艷質追涼就槐影
金環皓腕雪藕清泉瑩誰念省滿身香猶是舊荀令見
說吳姬酒壚寂靜烟鎖漠漠藻池苔井

四園竹

作西園誤

秋怨

周美成

浮雲護月未放滿朱扉鼠搖暗壁螢度破窻偷入書幃

秋意濃閒竚立庭柯影裏好風襟袖先知
夜何其江南路遶重山心知謾與前期奈何
燈前墮淚腸斷蕭娘舊日書辭猶在紙鴈信絕清宵夢又稀

御街行

秋日懷舊

范希文

紛紛墜葉飄香砌夜寂靜寒聲碎真珠簾捲玉樓空天
淡銀河垂地年年今夜月華如練長是人千里
愁腸已斷無由醉酒未到先成淚殘燈明滅枕頭歌譜盡孤

眠滋味都來此事眉間心上無計相迴避

過澗歇

夏景

柳耆卿

淮楚曠望極千里火雲燒空盡日西郊無雨厭行旅數
幅輕帆旋落艤棹蒹葭浦避畏景兩兩舟人夜深語
此際爭可使恁奔利名九衢塵裡衣冠冒炎暑回首江
鄉月觀風亭水邊石上幸有散髮披襟處

陽關引

離別

寇平仲

塞草烟光闊渭水波聲咽春朝雨霽輕塵斂征鞍發指
青青楊柳又是輕攀折動黯然知有後會甚時節更
盡一盃酒歌一闌歎人生裏難歡聚易離別且莫辭沉
醉聽取陽關徹念故人千里自此共明月

茗溪漁隱云玉右丞絕句云渭城朝雨裊輕塵
客舍青青柳色新勸君更盡一盃酒西出陽關
無故人此送元二使安西告別之詩也近世又
歌入小秦王更名陽關曲蓋用詩中語也舊本
蘭畹集載寇萊公陽關引其語豪壯送別
之曲當為第一亦以此絕句填入詞云

紅林擒近

冬初

周美成

風雪驚初霽。水鄉增暮寒。樹杪墮毛羽。簷牙掛琅玕。纔
喜堆門積。巷可惜迤邐銷殘。漸看低竹翩翻。清池漲微
瀾。步履晴正好。宴席晚方歡。梅花耐冷。亭亭來入水。
盤對山前橫。素愁雲變色。放盃同覓高處看。

冬雪

周美成

高柳春纔軟。凍梅寒更香。暮雪助清峭。玉塵散林塘。那

堪飄風遞冷故遣度幙穿窓似欲料理新粧呵手弄絲
簧
冷落詞賦客蕭索水雲鄉援毫授簡風流猶憶東
梁望虛簷徐轉回廊未掃夜長莫惜空酒觴

金人捧露盤

春晚感舊

曾純甫

記神京繁華地舊游踪正御溝春水溶溶平康巷陌繡
鞍金勒躍青驄解衣沽酒醉絃筦柳綠花紅到如今
餘霜鬢嗟前事夢魂中但寒烟滿目飛蓬雕欄玉砌空

餘三十六離宮塞笳驚起暮天鴈寂寞東風

玉林詞選云公東都故老及見中興之盛者詞多感慨庚寅春奉使過京師作金人捧露盤憶秦娥等曲悽然有黍離之悲如邯鄲道上望叢臺有感作憶秦娥云風蕭瑟邯鄲古道傷行客傷行客繁華一瞬不堪思憶叢臺歌舞無消息金尊玉管空陳迹連天草樹暮雲凝碧亦有感慨故併錄之

鬪百花

亦名夏

春恨

柳耆卿

照色韶光明媚輕靄低籠芳樹池塘淺蘸烟蕪簾幙閒

乘風絮春困厭厭拋擲鬪草工夫冷落踏青心緒終日
扃朱戶遠恨綿綿淑景遲遲難度年少傅粉依前醉
眠何處深院無人黃昏乍拆鞦韆空鎖滿庭花雨

新荷葉

採蓮

僧仲殊

雨過回塘圓荷嫩綠新抽越女輕盈畫橈穩泛蘭舟波
光艷粉紅相間脉脉嬌羞菱歌隱隱漸遙依約凝眸
堤上郎心波間粧影遲留不覺歸時暮天碧襯蟾鉤風

蟬噪晚餘霞映幾點沙鷗漁笛不道有人獨倚危樓

瓜茉莉

秋夜

柳耆卿

每到秋來轉添甚况味金風動冷冷清清地殘蟬噪晚甚
聒得人心欲碎更休道宋玉多悲石人也須下淚
衾寒枕冷夜迢迢更無寐深院靜月明風細巴巴望曉怎
生捱更迢遞料可兒只在枕頭根底等人睡來夢裏

驀山溪

贈衡陽妓陳湘

黃山谷

鴛鴦翡翠小小思珍偶
眉黛顰秋波儘湖南山明水秀
婷婷嫋嫋恰是十三餘
春未透花枝瘦正是愁時候
尋芳載酒肯落誰人後
祇恐遠歸來綠成陰青梅如豆
心期得處每自不由人
長亭柳君知否千里猶回首

雪浪齋日記云山谷此詞云春未透花枝瘦正是愁時候極為學者稱賞秦湛處度嘗有小詞云春透水波明寒峭花枝瘦蓋法此也

春半

張東父

青梅如豆斷送春歸去小綠間長紅看幾處雲歌柳舞
偎花識面對月共論心携素手採香游路遍西池路
水邊朱戶曾記銷魂處小立背鞦韆空悵望娉婷韻度
楊花撲面香糝一簾風情脉脉酒厭厭回首斜陽暮

春情

易彥祥

海棠枝上留得嬌鶯語雙燕幾時來並飛入東風院宇
夢回芳草綠遍舊池塘梨花雪桃花雨畢竟春誰主
東郊拾翠襟袖雷飛絮寶馬趁雕輪亂紅中香塵滿路

十千斗酒相與買春閒
吳姬唱秦娥舞拚醉青樓暮

自述

宋謙父

壺山居士未老心先懶
愛學道人家辦竹几蒲團茗椀
青山可買小結屋三間
開一逕俯清溪脩竹栽教滿
客來便請隨分家常飯
若肯小留連更薄酒三盃兩琰
吟詩度曲風月任招呼
身外事不關心自有天公管

早梅

曹元龍

洗粧真態不假鉛華御
竹外一枝斜想佳人天寒日暮

黃昏院落無處著清香風細細雪垂垂何況江頭路
月邊疎影夢到銷魂處結子欲黃時又須作廉纖細雨
孤芳一世供斷有情愁消瘦損東陽也試問花知否

千秋歲引

秋思

王介甫

別館寒砧孤城畫角一派秋聲入寥廓東歸燕從海上
去南來鴈向沙頭落楚臺風庾樓月宛如昨無奈被
此名利縛無奈被他情擔閣可惜風流總閒却當初謾

留華表語而今誤我秦樓約夢闌時酒醒後思量著

早梅芳

曉別

周美成

花竹深房櫳好夜閑無人到隔窓寒雨向壁孤燈弄餘
照淚多羅袖重意密鶯聲小正覓驚夢怯門外已知曉
去難留話未了早促登長道風披宿霧露洗初陽射
林表亂愁迷遠覽苦語縈懷抱謾回頭更堪歸路杳

滿路花

冬景

周美成

金花落燼燈銀鑠鳴牕雪庭深微漏斷行人絕風扉不
定竹圃琅玕折玉人新間闊著甚悰情更當恁地時節
無言欹枕帳底流清血愁如春後絮來相接知他那
裏爭信人心切除共天公說不成也還似伊無箇分別

風情

朱希真

簾烘淚雨乾酒壓愁城破冰壺防飲渴培殘火朱消粉
褪絕勝新梳裏不是寒宵短日上三竿殢人猶要同臥

如今多病寂寞章臺左
黃昏風弄雪門深鎖
蘭房密愛萬種思量過
也須知有我著甚情悰
你但忘了人呵
蕙蘭芳引

秋懷

周美成

寒瑩晚空點青鏡
斷霞孤鶩對客館
深局霜草未衰更
綠倦游厭旅但夢繞
阿嬌金屋想故人別後
盡日空疑風竹
塞北艷觥江南圖障
是處溫燠更花管雲牋
猶寫寄情舊曲音塵
迢遞但勞遠目
今夜長爭奈枕單人

獨

華胥引

秋思

周美成

川源澄映烟月溟濛去舟似葉岸足沙平蒲根水冷留
鴈唼別有孤角吟秋對曉風鳴軋紅日三竿醉頭扶起
寒怯離思相縈漸看看鬢絲堪鐫舞衫歌扇何人輕
憐細閱檢點從前恩愛鳳牋盈篋愁剪燈花夜來和淚
雙疊

洞仙歌

初春

李元膺

雪雲散盡放曉晴
庭院楊柳於人便青眼
更風流多處
一點梅心相應遠
約畧顰輕笑淺
一年春好處不在
濃芳小艷疎香
最嬌軟到清明時候
百紫千紅花正亂
已失春風一半
早占取韶光共追游
但莫管春寒醉紅
自暖

公自序云一年春物惟梅柳間意味最深至鶯
花爛熳時則春已衰遲使人無復新意予作洞

仙歌使探春者歌之
不至有後時之悔耳

夏夜

蘇子瞻

冰肌玉骨自清涼無汗水殿風來暗香滿繡簾開一點
明月窺人人未寢欹枕釵橫鬢亂起來携素手庭戶
無聲時見疎星渡河漢試問夜如何夜已三更金波淡
玉繩低轉但屈指西風幾時來又不道流年暗中偷換

東坡自序云僕七歲時見眉州老尼姓朱忘其名年九十餘自言嘗隨其師入蜀主孟昶宮中一日天熱主與花藍夫人夜起避暑摩訶池上作一詞朱具能記之今四十年朱已死久矣人

無知此詞者獨記其首兩句暇日
尋味豈洞仙歌令乎乃為足之云

漫叟詩話云楊元素作本事曲記東坡洞仙歌
詞謂錢塘有一老尼能誦後主詩首章兩句後
人為足其意以填此詞余嘗見一士人誦全篇云
冰肌玉骨清無汗水殿風來暗香滿簾開明月
獨窺人歌枕釵橫雲鬢亂起來瓊戶啟無聲
時見疎星渡河漢屈指西風幾時來只恐流年
暗中換

茗溪漁隱云漫叟詩話所載本事曲云錢塘一
老尼能誦後主詩首章兩句與東坡洞仙歌序
全然不同當
以序為正也

中秋

晁無咎

青烟羃處碧海飛金鏡永夜閒堦卧桂影露涼時零亂
多少寒蛩神京遠惟有藍橋路近 水晶簾不下雲母
屏開冷浸佳人淡脂粉待都將許多明付金樽投曉共
流霞傾盡更携取胡床上南樓看玉做人間素秋千頃
苔溪叢話云凡作詩詞要當如常山之蛇救首
救尾不可偏也如鼉無咎作中秋洞仙歌其首云
青烟羃處至閒堦卧桂影固已佳矣其後云待
都將許多明付與金樽至素秋千頃若此可謂
善救首尾者也至朱希真作中秋念奴嬌則不
知出此其首云挿天翠柳被何人堆上一輪明
月照我藤床涼似水飛入瑤臺銀闕亦已佳矣
其後云洗盡凡心滿身清露冷浸蕭蕭髮明朝

塵世記取休向人說此兩句全無意味
收拾得不佳遂并全篇其氣索然矣

詠雨

李元膺

廉纖細雨殢東風如困縈斷千絲為誰恨向楚宮一夢
多少悲涼無處問愁到而今未盡分明都是淚泣柳
沾花常與騷人伴孤悶記當年得意處酒力方酣怯輕
寒玉爐香潤又豈識情懷苦難禁對點滴簷聲夜寒燈
暈

垂虹橋

林外

飛梁壓水虹影澄清曉橘里漁村半烟草嘆今來古往
物換人非天地裏惟有江山不老 雨中風帽四海誰
知我一劍橫空幾番過按玉龍嘶未斷月冷波寒歸去
也林屋洞門無鎖認雲屏烟障是吾廬任滿地蒼苔年
年不掃

古今詞話云此詞乃近時林外題于吳江
垂虹亭世或傳以為呂洞賓所作者非也

江城梅花引

閨情

康伯可

娟娟霜月冷侵門怕黃昏又黃昏手撚一枝獨自對芳
樽酒又不禁花又惱漏聲遠一更更總斷魂斷魂斷
魂不堪聞被半溫香半薰睡也睡也睡不穩誰與溫存
惟有牀前銀燭照啼痕一夜為花憔悴損人瘦也比梅
花瘦幾分

八六子

春怨

秦少游

倚危亭恨如芳草萋萋剗盡還生念柳外青驄別後水

邊紅袂分時愴然暗驚 無端天與娉婷夜月一簾幽
夢春風十里柔情怎奈向歡娛漸隨流水素絃聲斷翠
綃香減那堪片片飛花弄晚濛濛殘雨籠晴正銷凝黃
鸝又啼數聲

魚游春水

春景

闕名

秦樓東風裏燕子還來尋舊壘餘寒猶峭紅日薄侵羅
綺嫩草方抽碧玉茵媚柳輕拂黃金縷鶯轉上林魚游

春水幾曲欄干遍倚又是一番新桃李佳人應怪歸
遲梅粧淚洗鳳簫聲絕沉孤鴈望斷清波無雙鯉雲山

萬重寸心千里

復齋漫錄云政和中一中貴人使越州回得詞
于古碑陰無名無譜不知何人作也錄以進御
命大晟府填腔因詞中
語賜名魚游春水云

古今詞話云東都防河卒於汴河上掘地得石
刻有詞一闕不題其目臣僚進上上喜其藻思
絢麗欲命其名遂撫詞中四字名曰魚游春水
命教坊倚聲歌之詞凡八十九字而風花鶯燕
動植之物曲盡之此唐人語也後之狀
物寫情不及之矣二說不同未詳孰是

夏雲峯

夏景

柳耆卿

宴堂深軒檻雨輕壓暑氣低沈花洞彩舟泛箏坐繞清
潯楚臺風快湘簾冷永日披襟坐久覺疎絃脆管時換
新音越娥蕙態蘭心逞妖艷泥歡邀寵難禁筵上笑歌
間發烏履交侵醉鄉歸處須盡興滿酌高吟向此免名
韉利鎖虛費光陰

草堂詩餘卷二

欽定四庫全書

集部
草堂詩餘卷三

詳校官編修_臣周瓊

侍讀_臣孫球覆勘

總校官庶吉士_臣倉聖脉

校對官中書_臣孫球

謄錄監生_臣張永浙

欽定四庫全書

草堂詩餘卷三

長調

東風齊著力

除夕

胡浩然

殘臘收寒三陽初轉已換年華東君律管迤邐到山家
處處笙簧鼎沸會佳宴坐列仙娃花叢裏金爐滿熱龍
麝烟斜此景轉堪誇深意祝壽山福海增加玉觥滿

金少巳
卷三
泛且莫厭流霞幸有迎春壽酒銀鉶浸幾朶梅花休辭
醉園林秀色百草萌芽

法曲獻仙音

初夏

周美成

蟬咽涼柯燕飛塵幕漏閣籤聲時度倦脫綸巾困便湘
竹桐陰半侵朱戶向抱影凝情處時聞打窗雨耿無語
嘆文園近來多病情緒懶尊酒易成間阻縹緲玉京
人想依然京兆眉嫵翠幕深中對微容空在紈素待花

前月下見了不教歸去

意難忘

佳人

周美成

衣染鶯黃愛停歌駐拍勸酒持觴低鬟蟬影動私語口
脂香蓮露滴竹風涼拚劇飲淋浪夜漸深籠燈就月仔
細端相 知音見說無雙解移宮換羽未怕周郎長顰
知有恨貪耍不成粧些箇事惱人腸試說與何妨又恐
伊尋消問息瘦減容光

塞翁吟

夏景

周美成

暗葉啼風雨。牕外曉色隴。散水麝小池東。亂一岸芙蓉。蘄州簾展。雙紋浪。輕帳翠縷如空。夢遠別。淚痕重。淡鉛臉斜紅。忡忡。嗟憔悴。新寬帶結羞艷冶。都銷鏡中有。蜀紙堪憑。寄恨等。今夜酒血書詞。剪燭親封。菖蒲漸老。早晚成花。教見薰風。

滿江紅

春暮

張仲宗

春水連天桃花浪幾番風惡雲乍起遠山遮盡晚風還
作綠遍芳洲生杜若楚帆帶雨煙中落認向來沙嘴共
停橈傷飄泊寒猶在衾偏薄腸欲斷愁難著倚蓬牕
無寐引盃孤酌寒食清明都過了可憐辜負年時約想
小樓日日望歸舟人如削

春暮

晁無咎

東武南城新堤固漣漪初溢隱隱遍長林高阜卧紅堆

金少卿集卷三
卷三
碧枝上殘花吹盡也與君試向江邊覓問向前猶有幾
多春三之一 官裏事何時畢風雨外無多日相將泛
曲水滿城爭出不見蘭亭修禊事當時座上皆豪逸
到如今修竹滿山陰空陳迹

春閨

周美成

晝日移陰攬衣起春幃睡足臨寶鑑綠雲繚亂未忺粧
東蝶粉蜂黃都退了枕痕一線紅生玉背畫欄脉脉悄
無言尋棋局 重會面何時卜無限事縈心曲想秦箏

依舊尚鳴金屋芳草連天迷遠望寶香薰被成孤宿最
苦是蝴蝶滿園飛無心撲

茗溪叢話蝶粉蜂黃都退了人以蜂蝶時節都
退殊與下句不相屬兼卒章有蝴蝶滿園飛相
反後見一相識云退字乃褪字而蝶粉蜂黃乃
當時宮中時粧故宋子京蝶戀花云淚落胭脂
界破蜂黃淺則知方睡起時宮粧褪
盡所見惟一線枕痕耳此說為可據
鶴林玉露云楊東山言道藏經云蝶交則粉退
蜂交則黃退周美成詞云蝶粉蜂黃都退了正
用此也而說者以為宮粧且以退為褪余因嘆
曰區區小詞讀書不博者尚不得其旨況古人
之文章而可臆見妄解乎

秋望

趙元稹

慘結秋陰西風送絲絲雨濕凝望眼征鴻幾字暮按沙
磧欲往鄉關何處是水雲浩蕩連南北但脩眉一抹有
無中遙山色天涯路江上客腸已斷頭應白空搔首
興嘆暮年離隔欲待忘憂除是酒奈酒行欲盡愁無極
便挽將江水入樽壘澆胸臆

詠雨

張安國

斗帳高眠寒牕靜蕭蕭雨意南樓近更移三鼓漏傳一

水點點不離楊柳外聲聲只在芭蕉裏也不管滴破故鄉心愁人耳無似有遊絲細聚復散真珠碎天應分付與別離滋味破我一牀蝴蝶夢輸他雙枕鴛鴦睡向此際別有好思量人千里

幽居

呂居仁

東里先生家何在山陰溪曲對一川平野數椽茅屋昨夜江頭新雨過門前流水清如玉抱小橋回合柳參天
搖新綠 疎籬下叢叢蒟虛簷外蕭蕭竹嘆古今得失

是非榮辱須信人生歸去好世間萬事何時足問此春
春釀酒何如今朝熟

苕溪叢話云余性樂閒退一丘一壑蓋將老焉
呂居仁所作此詞能具道阿堵中事每一歌之

未嘗不
擊節也

杜鵑

康伯可

腦殺行人東風裏為誰啼血正青春未老流鶯方歇
蝶枕前顛倒夢杏花枝上朦朧月問天涯何事苦關情
思離別聲一喚腸千結闌嶺外江南陌正長堤楊柳

翠條堪折鎮日丁寧千百遍只將一句頻頻說道不如
歸去不如歸傷情切

尾犯

一名碧
芙蓉

秋怨

柳耆卿

夜雨滴空堦孤館夢回情緒蕭索一片閒愁想丹青難貌
秋漸老蛩聲正苦夜將闌燈花旋落最無端處總把良
宵祗恁孤眠却佳人應怪我別後寡信輕諾記得當
初剪香雲為約甚時向深閨幽處按新詞流霞共酌再

同懽笑肯把金玉珠珍博

玉漏遲

春景

宋子京

杏香飄禁苑須知自古皇都春早燕子來時繡陌漸薰
芳草蕙圃天桃過雨弄碎影紅篩清沼深院悄綠楊影
裏鶯聲低巧 早是賦得多情更對景臨風鎮辜歡笑
數曲闌干故人漫勞登眺天際微雲過盡亂峯鎖一竿
斜照歸路杳東風淚零多少

六么令

重陽

周美成

快風收雨亭館清殘燠池光靜橫秋影岸柳如新沐聞
道宜城酒美昨日新醅熟輕鑣相逐衝泥策馬來折東
籬半開菊華堂花艷對列一一驚郎目歌韻巧共泉
聲間雜琮琤玉惆悵周郎已老莫唱當時曲幽歡難卜
明年誰健更把茱萸再三矚

掃地遊

春恨

周美成

曉陰翳日正霧靄烟橫遠迷平楚暗黃萬縷聽鳴禽按
曲小腰欲舞細遶回堤駐馬河橋避雨信流去那一葉怨
題今在何處春事能幾許任占地持盃掃花尋路淚
珠濺俎嘆將愁度日病傷幽素恨入金徽見說文君更
苦黯凝佇掩重關遍城鐘鼓

天香

冬景

王充

霜瓦鴛鴦風簾翡翠今年又是寒早矮釘明窗側開朱
戶斷莫亂教人到重陰未解雲共雪商量不少青帳垂
氈要密紅牕放圍宜小呵梅弄粧試巧繡羅衣瑞雲芝
草伴我語時同語笑時同笑已被金樽勸酒又唱箇新詞
故相惱盡道窮冬元來恁好

對梅花懷王侍御

劉方叔

漠漠江皋迢迢驛路天教為春傳信萬木叢邊百花頭
上不管雪飛風緊尋交訪舊惟翠竹寒松相認不意牽

詩動興何心襯粧添暈

孤標最甘冷落全不許蝶親蜂

近直自從來潔白箇中清韻儘做重聞塞管也何害香
銷粉痕盡待到和羹纔明底蘊

燕春臺

春景

張子野

麗日千門紫烟雙闕瓊林又報春回殿閣風微當時去
燕還來五侯池館屏開探芳非走馬重簾人語鱗鱗車
憶遠近輕雷 雕觴霞灩翠幙雲飛楚腰舞柳宮面粧

梅金猊夜煖羅衣暗裊香煤洞府人歸笙歌院落燈火
樓臺下蓬萊猶有花上月清影徘徊

滿庭芳

春景

秦少游

晚色雲開春隨人意驟雨纔過還晴古臺芳榭飛燕蹴
紅英舞困榆錢自落鞦韆外綠水橋平東風裏朱門映
柳低按小秦箏多情行樂處珠鈿翠蓋金轡紅纓漸
酒空醺醺花困蓬瀛豆蔻梢頭舊恨十年夢屈指堪驚

凭欄久踈烟淡月微映百層城

夏景

周美成

風老鶯雛雨肥梅子午陰嘉樹清圓地卑山近衣潤費
爐烟人靜烏鳶自樂小橋外新綠濺濺凭欄久黃蘆苦
竹擬泛九江船年年如社燕飄流瀚海來寄修椽且
莫思身外長近樽前憔悴江南倦客不堪聽急管繁絃
歌筵畔先安枕簟容我醉時眠

秋思

秦少游

碧水澄秋黃雲凝暮敗葉零亂空堦洞房久靜斜月照
徘徊又是重陽近也幾處處砧杵聲催重門外風搖翠
竹疑是故人來 情懷增悵望新歡易失往事難猜問籬
邊黃菊知為誰開謾道愁須殢酒酒未醒愁已先回憑
欄久金波漸轉白露點蒼苔

冬景

康伯可

霜幕風簾閒齋小戶素蟾初上雕櫳玉盃醺醺還與可
人同古鼎沉烟篆細玉笋破橙橘香濃梳粧懶脂輕粉

薄約畧淡眉峯 清新歌幾許低隨慢唱語笑相供道
文書針線今夜休攻莫厭蘭膏更繼明朝又紛冗匆匆
酩酊也冠兒未卸先把被兒烘

晚景

秦少游

山抹微雲天連衰草畫角聲斷譙門暫停征棹聊共飲
離樽多少蓬萊舊事空回首烟靄紛紛斜陽外寒鴉數
點流水遶孤村 銷魂當此際香囊暗解羅帶輕分謾
贏得秦樓薄倖名存此去何時見也襟袖上空染啼痕

傷情處高城望斷燈火已黃昏

侯鯖錄云鼃無咎云比來作者皆不及秦少游如斜陽外寒鴉數點流水遠孤村雖不識字亦如是天生好語也

藝苑雌黃云程公闕守會稽少遊客馬館之蓬萊閣一日席上有所悅自爾眷眷不能忘情因賦長短句所謂多少蓬萊舊事空回首烟靄紛紛是也其詞極為東坡所稱道取其首句呼之為山林微雲君中間有寒鴉數點流水遠孤村之句人皆以為少游自造此語殊不知亦有所本予在臨安見平江梅知錄云隋煬帝詩云寒鴉千萬點流水遠孤村少游用此語也予又嘗讀李義山效徐陵體則更衣云輕寒衣省夜金斗熨沉香乃知少游詞玉籠金斗熨沉香與夫

睡起熨沉香玉腕不勝金斗其語亦有來處
苔溪云無咎謂少游斜陽外寒鴉數點流水遠
孤村雖不識字人亦知是天生好言語其褒之如此蓋不曾見煬帝詩耳

佳人

蘇東坡

香鑿雕盤寒生冰筋畫堂別是風光主人情重開宴出
紅粧膩玉圓搓素頸藕絲嫩新織仙裳雙歌罷虛欄轉
月餘韻尚悠颺人間何處有司空見慣應謂尋常坐
中有狂客惱亂愁腸報道金釵墜也十指露春筍纖長
親曾見全勝宋玉想像賦高唐

玉林詞選云柳耆卿有晝夜樂詞云秀香家住
桃花徑算神仙才堪並層波細剪明眸膩玉圓
搓素頸愛把歌喉當筵逞過天邊亂雲愁凝言
語是嬌鶯一聲聲堪聽洞房飲散簾幃靜擁
香衾歡心稱金爐麝裊青烟鳳帳燭搖紅影無
限狂心乘酒興這歡娛漸入佳境猶自怨隣難
道秋宵不永蓋為贈妓作也此詞麗以淫不
當入選以東坡嘗引用其語故併此詞錄之

警悟

蘇東坡

蝸角虛名蠅頭微利算來著甚干忙事皆前定誰弱又
誰強且趁閒身未老儘放我些子疎狂百年裏渾教是
醉三萬六千場思量能幾許憂愁風雨一半相妨又

何須抵死說短論長幸對清風皓月苔茵展雲幙高張
江南好十鍾美酒一曲滿庭芳

按詩僧號晦菴者亦有一詞名滿江紅云擾擾
勞生待足何時是足據見定隨家豐儉便堪龜
縮得意濃時休進步須防世事多翻覆枉教人
白了少年頭空碌碌誰不願黃金屋誰不愛
千鍾粟算五行不是這般題目枉使心機間計
較兒孫自有兒孫福又何須採藥訪蓬萊但寡
慾此詞亦是達觀之見俗以
此曲與坡詞作對刊碑刻云

吉席

胡浩然

瀟灑佳人風流才子天然分付成雙蘭堂綺席燭影耀

榮煌數幅紅羅繡帳寶粧篆金鴨焚香分明是芙蓉浪
裏一對浴鴛鴦歡娛當此際山盟海誓地久天長願
五男二女七子成行男作公卿將相女須嫁君宰侯王
從茲去榮華富貴福祿壽無疆

漁舟

張子野

紅蓼花繁黃蘆葉亂夜深玉露初零霽天空闊雲淡楚
江清獨棹孤篷小艇悠悠過烟渚沙汀金鈎細絲綸慢
捲牽動一潭星時時橫短笛清風皓月相與忘形任

人笑生涯泛梗飄萍飲罷不妨醉卧塵勞事有耳誰聽
江風靜日高未起枕上酒微醒

鳳皇臺上憶吹簫

離別

李易安

香冷金猊被翻紅浪起來慵自梳頭任寶奩塵滿日上
簾鉤生怕離懷別苦多少事欲說還休新來瘦非干病
酒不是悲秋
休休這回去也千萬遍陽關也則難留
念武陵人遠烟鎖秦樓惟有樓前流水應念我終日凝

眸凝眸處從今又添一段新愁

水調歌頭

春半

劉改之

春事能幾許密葉著青梅日高花困海棠風暖想都開
不惜春衣典盡只怕春光歸去片片點蒼苔能得幾時
好追賞莫徘徊雨飄紅風撲翠苦相催人生行樂且
須痛飲莫辭盃坐則高談風月醉則恣眠芳草醒後亦
佳哉湖上新亭好何事不曾來

春行

黃山谷

瑤草一何碧春入武陵溪溪上桃花無數花上有黃鸝
我欲穿花尋路直入白雲深處浩氣展虹霓祇恐花深
裏紅露濕人衣坐白石歌玉枕拂金徽謫仙何處無
人伴我白螺盃我為靈芝仙草不為朱脣丹臉長嘯亦
何為醉舞下山去明月逐人歸

中秋

蘇東坡

明月幾時有把酒問青天不知天上宮闕今夕是何年

我欲乘風歸去又恐瓊樓玉宇高處不勝寒起舞弄清
影何似在人間轉朱閣低綺戶照無眠不應有恨何
事長向別時圓人有悲歡離合月有陰晴圓缺此事古
難全但願人長久千里共嬋娟

東坡自序云丙辰中秋歡飲
達旦大醉作此篇蕪懷子由

苔溪漁隱云先君嘗云柳詞鼇山綵結蓬萊島
當云綵締坡詞低綺戶當云窺綺戶二字既改
其詞
益佳

苔溪漁隱云中秋詞自東坡水調歌頭一出餘詞
盡廢然其後亦豈無佳詞如鼇次膺綠頭鴨一詞

殊清婉但尊組間歌喉以其篇長憚唱故湮沒
無聞焉其詞云晚雲收淡天一片琉璃爛銀盤
來從海底皓色千里澄輝瑩無塵素娥澹佇淨
可數丹桂參差玉露初零金風未凜一年無似
此佳時向坐久疎星時度烏鵲正南飛瑤臺冷
闌干凭暖欲下遲遲念佳人音塵隔後對此應
解相思最關情漏聲正永暗斷腸花影漸移料
得來宵清光未減陰晴天氣又爭知共疑戀如
今別後還是隔年期人縱
健清尊素月長願相隨

重陽

韓无咎

今日我重九莫負菊花開試尋高處携手躡屐上崔嵬
放目蒼崖萬仞雲護曉霜成陣知我與君來古寺倚修

竹飛檻絕纖埃 笑談間風滿座酒盈盃仙人跨海休
問隨處是蓬萊落日平原西望鼓角秋深悲壯戲馬但
荒臺細把茱萸看一醉且徘徊

詠月

韓子蒼

江山自雄麗風露與高寒寄聲月姊借我玉鑑此中看
幽壑魚龍悲嘯倒影星辰搖動海氣夜漫漫擁起白銀
闕危駐紫金山 表獨立飛玉佩整雲冠漱冰濯雪眇
視萬里一毫端回首三山何處聞道羣仙笑我邀我欲

俱還揮手從此去
馭鳳更驂鸞

快哉亭

蘇子瞻

落日繡簾捲
亭下水連空
知君為我新作
窓戶濕青紅
長記平山堂上
欹枕江南煙雨
杳杳沒孤鴻
認得醉翁
語山色有無中
一千頃都鏡
淨倒碧峯
忽然浪起掀
舞一葉白頭翁
堪笑蘭臺公子
未解莊生天
籟剛道有雌
雄一點浩然
氣千里快哉
風

藝苑雌雄云歐陽公送劉貢父守雒陽作長短句云平山欄檻倚晴空山色有無中平山堂望

江左諸山甚近或以為永叔短視故云山色有
無中東坡笑之因賦快哉亭道其事云長記平
山堂上欹枕江南烟雨杳杳沒孤鴻認取醉翁
語山色有無中蓋山色有無非烟雨不能然也
燭影搖紅

上元

張材甫

雙闕中天鳳樓十二春寒淺去年元夜奉宸遊曾侍瑤
池宴玉殿珠簾盡捲擁羣仙蓬壺閭苑五雲深處萬燭
光中揭天絲管馳隙流年恍如一瞬星霜換今宵誰
念泣孤臣回首長安遠可是塵緣未斷漫惆悵華胥夢

短滿懷幽恨數點寒燈幾聲歸雁

上元

吳大年

梅雪初消麗譙吹罷單于晚使君千炬起
頌春歌吹香風暖十里珠簾盡捲人正在
蓬壺閭苑賣薪買酒立馬傳觴昇平重見
誰識鰲頭去年曾侍傳柑宴至今衣袖帶
天香行處氤氳滿已是春宵苦短更莫遣
歡遊意懶細聽歸路壁月光中玉簫聲遠

春恨

王晉卿

香臉輕勻黛眉巧畫宮粧淺風流天付與精神全在嬌
波轉早是縈心可慣更那堪頻頻顧盼幾回得見見了
還休爭如不見 燭影搖紅夜闌飲散春宵短當時誰
解唱陽關離恨天涯遠無奈雲收雨散凭欄干東風淚
眼海棠開後燕子來時黃昏庭院

閨情

孫夫人

乳燕穿簾亂鶯啼樹清明近隔簾時度柳花飛猶覺寒
成陣長記眉峯偷隱臉桃紅難藏酒暈背人微笑半彈

鸞釵輕籠蟬鬢 別久啼多眼應不似當時俊滿園珠
翠逞春嬌沒個他風韻若見賓鴻試問待相將綵牋寄
恨幾時得見鬪草歸來雙鴛微潤

塞垣春

秋怨

周美成

暮色分平野 傷葦岸征帆卸烟村極浦樹藏孤館秋景
如畫漸別離氣味難禁也更物象供瀟洒念多才渾衰
減一懷幽恨難寫 追念綺窓人天然自風韻嫺雅竟

夕起相思謾嗟怨
遙夜又還將兩袖珠淚沈吟向寂寥
寒燈下玉骨為多感瘦來無一把

倦尋芳

春景

王元澤

露晞向曉簾幙風輕
小院閒晝翠逕鶯來驚下亂紅鋪
繡倚危欄登高榭
海棠著雨胭脂透
筭韶華又因循過
了清明時候
倦遊燕風光滿目好景良辰誰共攜手
恨被榆錢買斷兩眉長鬪憶得高陽人散後落花流水

仍依舊這情懷對東風盡成消瘦

春閨

蘇養直

獸鏤半掩鴛鴦無塵庭院
滿洒樹色沈沈春盡燕嬌鶯
姹夢草池塘青漸滿海棠
軒檻紅相亞聽簫聲記秦樓
夜約彩鸞齊跨
漸迤邐更催銀箭何處貪歡猶繫驕
馬旋剪燈花兩點翠眉誰畫
香滅羞回空帳裏月高猶
在重簾下恨踈狂待歸來
碎揉花打

黃鶯兒

詠鶯

柳耆卿

園林晴晝春誰主
暖律潛催幽谷暄
和黃鸝翩翩乍遷
芳樹觀露濕縷金
衣葉映如簧語
曉來枝上綿蠻似把
芳心深意低訴
無據乍出暖烟來
又趁遊蜂去恣狂
踪跡兩兩相呼
黃昏霧吟風舞
當上苑柳濃時
別館花深處
此際海燕偏饒
都把韶光與

漢宮春

元宵

康伯可

雲海沉沉峭寒收建章雪殘鳩鵲華燈照夜萬井禁城
行樂春隨鬢影映參差柳絲梅萼丹禁杳鼇峯對聳三
山上通寥廓春衫繡羅香薄步金蓮影下三千綽約
冰輪桂滿皓色冷侵樓閣霓裳帝樂奏昇平天風吹落
留鳳輦通宵宴賞莫放漏聲聞却

花庵詞客云此詞伯可
在慈寧殿元夕被旨作

上元前一日立春

京仲遠

暖律初回又燒燈市井賣酒樓臺誰將星移萬點月滿

千街輕車細馬隘通衢
蹴起香埃今歲好土牛作伴挽
留春色同來 不是天公省事要一時壯觀特地安排
何妨綵樓鼓吹綺席樽罍良宵勝景語邦人莫惜徘徊
休笑我痴頑不去年年爛醉金釵

詠梅

鼂叔用

瀟洒江梅向竹梢
深處橫兩三枝東君也不愛惜雪壓
風欺無情燕子怕春寒輕失佳期
惟是有南來歸鴈年年長見開時
清淺小溪如練問玉堂何似茅舍疎籬

傷心故人去後冷落新詩微雲淡月對孤芳分付伊誰
空自倚清香未減風流不在人知

苕溪漁隱云此詞用玉堂事乃引用薛維翰白玉堂前一樹梅詩事或云官苑之玉堂非也

又云曾端伯編樂府雅詞以此詞為李漢老作非也乃鼂叔用作政和間以獻蔡攸是時朝廷方興大晟府蔡攸據此詞呈其父云今日於樂府中得一人京覽其詞喜之即除大晟府丞

聲聲慢

夏景

劉巨濟

梅黃金重雨細絲輕園林霧烟如織殿閣風微簾外燕

喧鶯寂池塘彩鴛戲水露荷翻千點珠滴閒晝永稱蒲
湘竿叟爛柯仙客日午槐陰低轉茶甌罷清風頓生
雙腋碾玉盤深朱李靜沉寒碧朋儕閒歌白雪卸巾紗
樽俎狼籍有皓月照黃昏眠又未得

醉蓬萊

上巳

葉少蘊

問春風何事斷送繁紅便拚歸去牢落征途笑行人羈
旅一曲陽關斷雲殘靄做渭城朝雨欲寄離愁綠陰千

轉黃鸝空語 遙想湖邊浪搖空翠絃管風高亂花飛
絮曲水流觴有山翁行處翠袖朱欄故人應也弄畫船
煙浦會寫相思尊前為我重翻新句

中秋

謝幼槃

望晴峯染黛暮靄澄空碧天無漢圓鏡高飛又一年秋
半皓色誰同歸心暗折聽唳雲孤鴈問月停盃錦袍何
處一尊無伴 好在南鄰詩盟酒社刻燭爭成引觴愁
緩今夕樓中繼阿連清玩劇飲狂歌歌終起舞醉冷光

零亂樂事難窮
疎星易曉又成浩歎

帝臺春

春恨

李景元

芳草碧色萋萋
遍南陌飛絮亂紅也似知人
春愁無力
憶得盈盈拾翠侶
共携賞鳳城寒食
到今來海角逢春
天涯行客
愁旋釋還似
織淚暗拭又偷滴
謾遍倚危欄
儘黃昏也只是
暮雲凝碧
拚則而今已拚了
忘則怎生便
忘得又還問
鱗鴻試重尋消息

八聲甘州

送參寥子

蘇東坡

有情風萬里捲潮來無情送潮歸問錢塘江上西河浦
口幾度斜暉不用思量今古俯仰昔人非誰似東坡老
白首忘機記取西湖西畔正暮山好處空翠烟霏算
詩人相得如我與君稀約他年東還海道願謝公雅志
莫相違西州路不應回首為我沾衣

茗溪漁隱云晉書謝安雖受朝寄然東山之志
始末不渝每形於言色及鎮新城盡室而行造

浮海之裝欲須經畧粗定自海道還東雅志未就遂遇疾篤還都尋薨羊曇為安所愛重安薨後輟樂彌年行不由西州路嘗因大醉不覺至州門左右白曰此西州門也曇悲感以馬策扣扉誦曹子建詩曰生存華屋處零落歸山丘因慟哭而去東坡用此故事若世俗之論必以為成識矣然其詞石刻後東坡題云元祐六年三月六日余以東坡年譜考之元祐四年知杭州六年召為翰林學士承旨則此詞蓋此時作也自後復守穎徙揚入長禮曹出帥定武至紹聖元年方南遷嶺表建中靖國元年北歸至常乃薨凡十一載則世俗成識之論果足信耶

追和東坡韻

鼂無咎

謂東坡未老賦歸來天未遣公歸向西湖兩處秋波一

種飛靄澄暉又擁竹西歌吹僧老木蘭非一笑千秋事
浮世危機莫倚平山欄檻是醉翁飲處江雨霏霏送
孤鴻揮手相接眼中稀念平生相從江海任飄蓬不遣
此心違登臨事更何須惜吹帽淋衣

夏初臨

夏景

劉巨濟

泛水新荷舞風輕燕園林夏日初長庭樹陰濃雛鶯學
弄新簷小橋飛入橫塘跨青蘋綠藻幽香朱欄斜倚霜

紉未搖衣袂先涼
歡歌稀遇怨別多同路
遙水遠烟淡
梅黃輕衫短帽相携
洞府流觴況有紅粧
醉歸來寶蠟成行
拂牙床紗厨半開
月在迴廊

慶清朝慢

春遊

王通叟

調雨為酥催冰作水
東風分付春還
何人便將輕暖點
破殘寒結伴踏青去
好平頭鞋子小雙鸞
烟柳外望中秀色
如有無間晴則个
陰則个
飭得天氣有許多

般須教撩花撥柳爭要先看不道吳綾繡襪香泥斜沁
幾行斑東風巧盡收翠綠吹在眉山

玉林詞話云風流楚楚詞林中之佳公子也世
謂柳耆卿工為浮艷之詞方之此作蔑矣集名

冠柳豈偶然哉春遊踏青一
詞又不獨冠柳詞之上者也

瓊瓏四犯

春思

周美成

穠李天桃是舊日潘郎親試春艷自別河陽長負露房
烟臉憔悴鬢點吳霜念想夢魂飛亂嘆畫欄玉砌都換纔

始有緣重見 夜深偷伎香羅薦
暗窓前醉眠惹舊浮
花浪蘂都相識誰更曾擡眼
休問舊色舊香但認取芳
心一點又片時一陣風雨惡
吹分散

雙雙燕

詠燕

史邦卿

過春社了度簾幕中間去年塵冷
差池欲住試入舊巢
相並還相雕梁藻井又軟語商量
不定飄然快拂花梢
翠尾分開紅影芳徑芹泥雨潤
愛貼地爭飛競誇輕

俊紅樓歸晚看足柳昏花暝應是棲香正穩便忘了天涯芳信愁損翠黛雙蛾日日畫欄獨凭

玉林詞話云姜堯章極稱賞柳昏花
暝之句形容雙燕亦曲盡其妙矣

孤鸞

早梅

朱希真

天然標格是小萼堆紅芳姿凝白淡佇新粧淺點壽陽
宮額東君想留厚意倩年年與傳消息昨夜前村雪裏
有一枝先拆念故人何處水雲隔縱驛使相逢難寄

春色試問丹青手是怎生描得曉來一番雨過更那堪
數聲羌笛歸去和羹未晚勸行人休摘

瑣窓寒

寒食

周美成

暗柳啼鴉單衣佇立小簾朱戶桐花半畝靜鎖一庭愁
雨洒空堦更闌未休故人剪燭西窓語似楚江暝宿風
燈零亂少年羈旅遲暮嬉遊處正店舍無烟禁城百
五旗亭喚酒付與高陽儔侶想東園桃李自春小脣秀

歷今在否到歸時定有殘英待客携樽俎

高陽臺

春思

僧皎如晦

紅入桃腮青回柳眼韶華已破三分人不歸來空教草
怨王孫平明幾點催花雨夢半闌欹枕初聞問東君因
甚將春老却閒人東郊十里香塵旋安排玉勒整頓
雕輪趁取芳時共尋島上紅雲朱衣引馬黃金帶算到
頭總是虛名莫閒愁一半悲秋一半傷春

金菊對芙蓉

秋怨

康伯可

梧葉飄黃萬山空翠斷霞流水爭輝正金風西起海燕
東歸凭欄不見南來鴈望故人消息遲遲木樨開後不
應悞我好景良時只念獨守孤幃把枕前囑付一旦
分飛上秦樓遊賞酒殢花迷誰知別後相思苦悄為伊
瘦損香肌花前月下黃昏院落珠淚偷垂

重陽

辛幼安

遠水生光遙山聳翠霽烟深鎖梧桐正零瀼玉露淡蕩
金風東籬菊有黃花吐對映水幾簇芙蓉重陽佳致可
堪此景酒釀花濃 追念景物無窮嘆少年胸襟忒煞
英雄把黃英紅萼甚物堪同除非腰佩黃金印座中擁
紅粉嬌容此時方稱情懷盡拚一飲千鍾

桂花

僧仲殊

花則一名種分三色嫩紅妖白嬌黃正清秋佳景雨霽
風涼郊墟十里飄蘭麝瀟灑處旖旎非常自然風韻開

時不惹蝶亂蜂狂
携酒獨揖蟾光問花神何屬離兒
中央引騷人乘興廣賦詩章幾多才子爭攀折嫦娥道
三種清香狀元紅是黃為榜眼白探花郎

玉蝴蝶

春思

鼃叔用

目斷江南千里灞橋一望烟水微茫晝鎖重門人去暗
惜流光雨輕輕梨花院落風淡淡楊柳池塘恨偏長佩
沉湘浦雲散高唐清狂重來一夢手搓梅子煮酒新

嘗寂寞經春小橋依舊燕飛忙玉鈎欄凭多漸暖金縷
枕別久猶香最難忘看花南陌待月西廂

春遊

柳耆卿

漸覺東郊明媚夜來膏雨一洗塵埃滿目淺桃深杏露
染烟裁銀塘靜魚鱗簾展烟岫翠龜甲屏開殷晴雷雲
中鼓吹遊徧蓬萊徘徊隼旟前後三千珠履十二金釵
雅俗熙熙下車成宴盡春臺好雍容東山妓女堪笑傲北
海樽壘且追陪鳳池歸去那更重來

秋思

柳耆卿

望處雲收雨斷凭欄悄悄目送秋光晚景蕭疎堪動宋
玉悲涼水風輕蘋花漸老月露冷梧葉飄黃遣情傷故
人何在烟水茫茫難忘文期酒會幾辜風月屢變星
霜海闊山遙未知何處是瀟湘念雙燕難憑遠信指暮
天空識歸航黯相望斷鴻聲裏立盡斜陽

秋思

高賓王

喚起一襟涼思未成晚雨先做秋陰楚客悲殘誰解此

意登臨古臺荒斷霞斜照新夢黯微月疎砧總難禁盡
將幽恨分付孤斟從今倦看青鏡既遲勲業可負煙
林斷梗無憑歲華搖落又驚心想萼汀水雲愁凝閒蕙
帳猿鶴悲吟信沉沉故園歸計休更侵尋

渡江雲

春景

周美成

晴嵐低楚甸暖回鴈翼陣勢起平沙驟驚春在眼借問
何時委曲到山家塗香暈色盛粉飾爭作妍華千萬絲

陌頭楊柳漸漸可藏鴉
堪嗟清江東注畫舸西流指
長安日下愁宴闌風翻旗尾潮濺烏紗今朝正對初弦
月傍水驛深艤蒹葭沉恨處時時自剔燈花

絳都春

上元

丁仙現

融和又報乍瑞靄霽色皇州春早翠幃競飛玉勒爭馳
都門道鰲山結綵蓬萊島向晚色雙龍銜照絳綃樓上
彤芝蓋底仰瞻天表縹緲風傳帝樂慶三殿共賞羣

仙同到迤邐御香飄滿人間聞嬉笑須臾一點星毬小
漸隱隱鳴梢聲杳遊人月下歸來洞天未曉

清明

劉叔安

和風乍扇又還是去年清明重到喜見燕子巧說千般
如人道牆頭陌上青梅小是處有閒花芳草偶然思想
前歡醉賞牡丹時早當此三春媚景好連宵恣樂情
懷到晚縱有珠珍難買紅顏長年少從他烏兔茫茫走
更莫待花殘鶯老恁時歡笑休把萬金換了

梅花

朱希真

寒陰漸曉報驛使探春南枝開早粉蕊弄香芳臉凝酥
瓊枝小雪天分外精神好向白玉堂前應到化工不管
朱門閉也暗傳音耗 輕渺盈盈笑靨稱嬌面愛學宮
粧新巧幾度醉吟獨倚欄干黃昏後月籠疎影橫斜照
更莫待單于吹老便須折取歸來膽餅頓了

念奴嬌

一名酹江月 一名赤壁詞 一名大江東去 一名百字令

春情

李易安

蕭條庭院有斜風細雨重門須閉寵柳嬌花寒食近種
種惱人天氣險韻詩成扶頭酒醒別是閒滋味征鴻過
盡萬千心事難寄樓上幾日春寒簾垂四面玉欄干
慵倚被冷香銷新夢覺不許愁人不起清露晨流新桐
初引多少遊春意日高烟斂更看今日晴未

荷花

僧仲殊

水楓葉下乍湖光清淺涼生商素西帝宸遊羅翠蓋擁
出三千宮女絳綵嬌春鉛華掩畫占斷鴛鴦浦歌聲搖

曳浣紗人在何處
別岸孤棹一枝廣寒宮殿冷落棲
愁苦雪艷冰肌羞淡泊偷把胭脂勻注媚臉籠霞芳心
泣露不肯為雲雨金波影裡為誰長恁凝竚

遶佛閣

旅況

周美成

暗塵四斂樓觀迥出高映孤館清漏將短厭聞夜久籤
聲動書幔桂華又滿閒步露草偏愛幽遠花氣清婉望
中迤邐城陰度河岸倦客最蕭索醉倚斜橋穿柳線

金史四庫全書 卷三
還似汴堤虹梁橫水面看浪颭春燈舟下如箭此行重
見嘆故友難逢羈思空亂兩眉愁向誰舒展

解語花

元宵

周美成

風銷焰蠟露浥烘爐花市光相射桂華流瓦纖雲散耿
耿素娥欲下衣裳淡雅看楚女纖腰一把簫鼓喧人影
參差滿路飄香麝因念帝城放夜望千門如畫嬉笑
遊冶鈿車羅帕相逢處自有暗塵隨馬年光是也惟只

見舊情衰謝清漏移飛蓋歸來從舞休歌罷

慶春澤

上元

劉叔安

燈火烘春樓臺浸月良宵一刻千金錦步承蓮彩雲簇
仗難尋蓬壺影動星毬轉映兩行寶珥瑤簪恣嬉遊玉
漏聲催未歇芳心笙歌十里誇張地記年時行樂懽
悴而今客裏情懷伴人閒笑閒吟小桃未盡劉郎老把
相思細寫瑤琴怕歸來紅紫欺風三徑成陰

萬年歡

元宵

胡浩然

燈月交光漸輕風布煖先到南國羅綺嬌容十里絳紗
籠燭花艷驚郎醉目有多少佳人如玉春衫袂整整齊
齊內家新樣粧束歡情未足更闌漫勾牽舊恨縈亂
心曲悵望歸期應是紫姑頻卜暗想雙眉對蹙斷絃待
鸞膠重續休迷戀野草閒花鳳簫人在金谷

玉燭新

梅花

周美成

溪源新臘後見數朶江梅剪裁初就暈酥砌玉芳英嫩
故把春心輕漏前村昨夜想弄月黃昏時候孤岸峭疎
影橫斜濃香暗沾襟袖樽前付與多才問嶺外風光
故人知否壽陽漫鬪終不似照水一枝清瘦風嬌雨秀
好亂插繁花盈首須信

按孫齊師有落梅詞菩薩蠻云一聲羌笛吹鳴咽玉溪半夜梅翻雪江月正茫茫斷橋流水香
含章春欲暮落日千山雨一點著枝酸吳姬先
齒寒亦是用羌笛奏落梅之事今併附見于此

木蘭花慢

重陽

京仲遠

算秋來景物皆勝賞
況重陽正露冷欲霜烟輕不雨玉
宇開張蜀人從來好事遇良辰不肯負時光藥市家家
簾幙酒樓處處絲簧
婆婆老子興難忘聊復與平章
也隨分登高茱萸綴席菊蕊浮觴
明年未知健否笑杜陵底事獨淒涼
不道頻開笑口年年落帽何妨

桂枝香

一名疎
簾淡月

秋旅

張宗瑞

梧桐雨細漸滴作秋聲被風驚碎潤逼衣篝線裊蕙爐
沉水悠悠歲月天涯醉一分秋一分憔悴紫簫吹斷素
牋恨切夜寒鴻起又何苦淒涼客裡負草堂春綠竹溪
空翠落葉西風吹老幾番塵世從前諳盡江湖味聽商
歌歸興千里露侵宿酒踈簾淡月照人無寐

金陵懷古

王介甫

登臨送目正故國晚秋天氣初肅千里澄江似練翠峯

如簇征帆去棹殘陽裏背西風酒旗斜矗綵舟雲淡星
河鷺起圖畫難足念自昔豪華競逐歎門外樓頭悲
恨相續千古憑高對此漫嗟榮辱六朝舊事隨流水但
寒煙衰草凝綠至今商女時時猶唱後庭遺曲


古今詞話云金陵懷古諸公寄調於桂枝香凡
二十餘首獨介甫最為絕唱東坡見之不覺嘆
息曰此老乃
野狐精也

憶舊遊

春恨

周美成

記愁橫淺黛淚洗紅鉛門掩秋宵墜葉驚離思聽寒蛩
夜泣亂雨瀟瀟鳳釵半脫雲鬢恣影燭花搖漸暗竹敲
涼疎螢照曉兩地覓銷迢迢問音信道徑底花陰時
認鳴鑣也擬臨朱戶嘆因郎憔悴羞見郎招舊巢更有
新燕楊柳拂河橋但滿眼京塵東風竟日吹露桃



草堂詩餘卷三